

ponianotj ngelitetemenen tan teli olalieg ; tóg elp noli msatolinen gtinin oigoiatieg.

Ipatji osgageltemol, Nsesosem, gemaltem petjili megitetemeg. Gil, malteoin petjili olamogsin, na gtjiganòpatin tan tetli mesta gasapatemgesenel maoui inog ogteloecioal ; gil glo-tjieoeigtog tetli gotalnegeg ansema pa pegoa-toiegsep tllisip mo nmesigonen nosetatinen ; gil pa gtinin ogtjit oetji eolistemoinametjel Gtjinisgam tan teltamgetjel : nigetj aptj tan teli pmi gotatacin ola patgoi alamesigenigtog oettamoleg metj gpemi lapatoinen ntjitjagamtjinag na ogtjiatj aptjio ntetjelleiagonen eloeotinoinalogonen. Amen.

Metj ipatji osgagelamol, Nsagmam Nsesosem, igalsin nigetj ola osgitjipenegoigtog, netna getoi ogtesemin gtinin, tliatj eta mo mesoamolo, metj sgato ola osgitjipenegoigtog tetli-telmol, gil ògotj esep : ola igatotes ntinin osgitjipenegoigtog. Elp n. : pa teli ipatji osgageltemol gemaltem nigetj nganipsemonigtog tetli nepsenemeg.

*Gesgemenag gemnieoimeg teli alasotmamg.*

Agai ! Sesos, gil neogti gtjisapeoin eolitelmi ; gil notji oli nsaloen, etamol, natji nsatoi ntjitjagamitj. Agai ! getel etog, neogti gsitelmogsip Sesos, geto oetjin nin nantemi ogtesòlep ngamlamong, teli pmi gigatji elistolaneq glapis nigetj ; mset gògoel gepmitetemanen aona gil neogti gsalgosip mo gepmitelmolo. Metj sgato gil teli eolitelmin, teli gsaln gensgi lnoi, tjel getoi pisgoan ngamlamong ! Agai ! teseg ntagitacin, Nsesosem, gtanapi gsalnin gensgi lnoiep ; sig tóg gmelgi gsalnin ! Getel nigetj ei : Nsagmam, tan telitai teli gsaln ; tjiptog mset ntinin gamlamonig ag ntògo mseta gsalesg ! tjiptog teli gsalin tli gsalnan ! tjiptog teli